

# Homenahe special na Ramon Richardson di De Palm Tours



STA. CRUZ-- Miembronan di e Hunta di Directiva di De Palm Tours a duna homenahe na un pionero di e compania, Ramon Richardson durante un get-together congenial na e officinanan di e compania. Ramon Richardson tabata colega di Harold Malmberg na Maduro & Sons, ora cu e dos amigonan ambicioso aki, a dicidi cu tabata tempo pa nan habri nan halanan y haci un intento pa cuminsa pa nan mes, como comerciantenan independiente, dentro di e area di e industria di turismo na Aruba, 45 aña pasa.

Nan a traha duro y a haci sacrificionan pa cumpura un compania chikito di

transportacion, De Palm Tours. Despues a trahate hasta, mas duro y a

haci sacrificionan ainda mas grandi pa crece na e tamaño y prominencia di awendia. Algun aña pasa, Richardson a opta pa un diferente rumbo, saliendo for di Palm Tours pa busca otro aventura di negoshi. El'a keda masha cerca di e famia Malmberg y nan complacidamente ta recorda su hopi contribucionnan den e dianan di antes. Pa duna homenahe na su herencia,

un cuadro a ser devela den e sala di conferencia di e compania, cu ta un portret di Ramon, colga banda esun di e fundador, sr. Wichi de Palm, y esun di e Presidente di e Hunta Directiva, Harold Malmberg. Tambe tabata invita, na e acto di develacion aki, hopi di e personal cu a bay cu pensioen of ta trahando ainda, entre nan Dries Maduro, Martijn Dijkhoff, Lou Dabian,

Mary Hirschfeld, Esmeralda Pontilius, Dorothy Phillips, Nina Donata, Fred Muller, Max Gumbs, Vivian Ignacio, Ana Sit y hopi mas.

Riba e foto: Ramon Richardson, su esposa y yiu homber, tabata testigo di e develacion emocional di e portret. E ceremonia a ser oficia door di Harold Malmberg y su yiuunan, directornan di e compania, Lisette y Ricky Malmberg

